



Universitätsbibliothek Paderborn

**Refutatio Accusatoris Anonymi Damnatas ab Innocentio
XI. Propositiones adscribentis Ordinum Religiosorum
Theologis ac præcipuè Societatis Jesu**

Estrix, Aegidius

Moguntiæ, 1679

Propositio XXVI. Si quis vel solus, vel coram aliis, sive interrogatus, sive propriá sponte, sive recreationis causa, sive quocumque alio fine, juret se non fecisse aliquid, quod reverà fecit, ...

urn:nbn:de:hbz:466:1-42472

Joannis Wiggers in 2. 2. Tract. 8. c. 5. dub.
12.

Frequens verò apud Doctores illius schola est mentio de juramento sine animo jurandi, ut distinguitur à juramento amphibologico, de juramento sive intentione jurandi, de juramento simulato, quod etsi negent esse licitum, factentur tamen communissimè non obligare persone ad præstandum id, quod juramento promissum est. Ita docuerunt Malderus loco cit. in 2. 2. Wiggers loco cit. dub. 11. plurimis verò Thesibus propugnatum est ab illis Doctoribus die 12. Augusti 1632. die 27. Novemb. 1640. die 18. May 1640. die 13. Februarii 1640. die 24. May 1642. &c.

PROPOSITIO XXVI.

Si quis vel solus, vel coram aliis, sive interrogatus, sive propriâ sponte, sive recreatione causa, sive quocumque alio fine, juret se non fecisse aliquid, quod reverà fecit, intelligendo int̄ se aliquid aliud, quod non fecit, vel aliam diem ab ea in qua fecit, vel quodvis aliud additum rum, reverà non mentitur, nec est perjurus.

Autorem propositionis citat Joannem Sanchez Jesuitam in opere morali P. 2. l. 3. c. 6. n. 15. & mille alias in praxi.

Observavi ad Prop. 9. Joannem Sanchez non esse Jesuitam. Veros autores doctrinæ,

quam

quam continet Propositio , suggeram , si in gratiam imperitorum & malevolorum monero , nullum penitus Theologum illius esse Autorem , si intelligatur ista restrictio locutionis adhibita sine causa excusare , non solum à mendacio , sed etiam ab omni alio peccato ; quo sensu nata est accipi propositio ab imperitis , & vendi solent propositiones similes à malevolis ; sed imprimis Causidicis quibusdam privata odia , & bilem unde unde collectam , infundere gaudentibus in causas publicè agendas ; de quo fidem , ut puto , Brugis inveniam.

At verò si intelligatur ista restrictio sine causa excusare quidem à mendacio , non tamen à peccato turpis doli & fraudis , Autores doctrinæ sunt illi omnes , qui docuerunt ex justâ causâ licere uti hujusmodi restrictiōnibus : quod docuerunt Adrianus , Molanus , & re ipsa Malderus Lovanienses Doctores per celebres ; Angelus , Silvester , Richardus , Petrus Paludanus , Capreolus , Almainus , Corradus , Rodriquez , Salonius , Basil. Pontius , Philiarchus , Sayrus , Lud. Lopez , Bonacina , Machadus , aliquique multo plures apud Moyam in select. quæst. Tract. 2. d. 1. q. 6. §. 4. Guilielnum le Maire in Statera sect. 1. cap. 12. §. 1. sed imprimis Martinus Navarrus tractatu copiosissimo de licito usu
re-

restrictionum in cap. *Humanæ aures*. His omnibus, si videbatur operæ pretium, poterat accusator subscribere pro Joanne Sanchez Thomam Sanchez, & quosdam alios, quos præcipue oderat.

An verò damnata sit Propositio ut scandala fosa, &c. quia nata est sic accipi ab imperitis & venditari à malevolis, quasi affirmetur restrictionem illam excusare, non solum à mendacio & perjurio, sed etiam ab omni alio peccato, in quo sensu nusquam illa reperitur, an verò quia affirmatur, restrictionem illam excusare à mendacio & perjurio, et si non excusat ab alio peccato, judicabunt sapientiores. Quod verò affirmat Accusator, Autores Propositionis esse mille alios in praxi non moretur nos ista petulantia.

PROPOSITIO XXVII.

Causa justa utendi his amphiboliis est quieties id necessarium, aut utile est ad salutem corporis, honorem, res familiares tuendas, vel ad quemlibet alium virtutis actum, ita ut veritatis occultatio censeatur tunc expediens, & studiosa.

Autorem Propositionis citat Tamburinum, sed incerto loco. Quæsivi ego locum, neque inveni: ne ergo impossuisse videatur hic quoque locum proferat: tum videbimus an Tamburinum intellexerit.

Certe